



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU ZAVIČAJNIH SOCIJALDEMOKRATA – MILE MARČETA

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.	5
Cilj pregleda i kontrole.	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Zavičajnih socijaldemokrata – Mile Marčeta za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da su Zavičajni socijaldemokrati – Mile Marčeta prekršili odredbe člana 5. stav (4), člana 11. člana 12. stav (1) i (3) i člana 13. stav (2) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Zavičajnih socijaldemokrata – Mile Marčeta za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Zavičajni socijaldemokrati – Mile Marčeta nisu ostvarili prihod, niti su se finansirali iz kreditnog zaduženja, što je prikazano u narednoj tabeli:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od pr.lica (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propag. (3-g)	0,00	
9.	Ostali prihodi	0,00	
I	Ukupni prihodi (1-9)	0,00	
II	Kreditno zaduženje kod banaka	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke je Zavičajni socijaldemokrati – Mile Marčeta. Skraćeni naziv stranke je ZSD – Mile Marčeta.

Zavičajni socijaldemokrati – Mile Marčeta imaju sjedište u Drvaru, ulica Omladinskih brigada br. 45.

Zavičajni socijaldemokrati – Mile Marčeta su Rješenjem Općinskog suda u Banjaluci, broj: RP-15-07-2002 od 24.07.2002. godine upisani u sudski registar političkih organizacija.

Lice ovlašteno za zastupanje stranke je Mile Marčeta, predsjednik stranke.

Prema podacima iz godišnjeg finansijskog izvještaja za 2014. godinu, Zavičajni socijaldemokrati – Mile Marčeta nemaju niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Zavičajnih socijaldemokrata – Mile Marčeta za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Zavičajnih socijaldemokrata – Mile Marčeta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Zavičajnih socijaldemokrata – Mile Marčeta vršena je u periodu od 2005. do 2013. godine, nakon čega su izdati izvještaji o pregledu sa mišljenjem revizora, nalazima i preporukama revizije.

Na osnovu našeg pregleda godišnjeg finansijskog izvještaja Zavičajnih socijaldemokrata – Mile Marčeta za 2013. godinu, te dodatne dokumentacije političke stranke, kao i dokaza iz drugih izvora (Izvještaja o transakcijskim računima iz Jedinственог регистра Centralne banke BiH i podataka svih nivoa vlasti u BiH o finansiranju političkih stranaka iz budžeta), nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE REVIZIJE

5.1. NALAZI

a) Pregledom godišnjeg finansijskog izvještaja je utvrđeno da su Zavičajni socijaldemokrati – Mile Marčeta prekršili odredbe člana 5. stav (4)¹ Zakona o finansiranju političkih stranaka.

Stranka nije uspostavila evidenciju o nenovčanom prilogu koji je ostvaren korišćenjem poslovnog prostora, bez plaćanja zakupnine. Zavičajni socijaldemokrati – Mile Marčeta su bili dužni da fizičkom licu koje je dalo prilog stranci, izdaju potvrdu o prijemu dobrovoljnog priloga i iznos priloga.

Time što nije uspostavila evidenciju o prilogu, stranka je prekršila odredbe člana 5. stav (4) Zakona o finansiranju političkih stranaka, te ne izdavanjem potvrde o primljenom prilogu i odredbe člana 6. stav (1) Pravilnika o godišnjim finansijskim izvještajima političkih stranaka.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrdu o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

b) Pregledom godišnjeg finansijskog izvještaja je utvrđeno da su Zavičajni socijaldemokrati – Mile Marčeta prekršili odredbe člana 11². i člana 12. stav (1)³ i (3)⁴ Zakona o finansiranju političkih stranaka.

Na osnovu obavljenog pregleda, utvrđeno je da stranka nije evidentirala sve prihode i troškove u svojim poslovnim knjigama, te da godišnji izvještaj nije popunila u skladu sa Pravilnikom o godišnjim finansijskim izvještajima političkih stranaka – u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

- U obrascu 2. (pregled prometa svih transakcijskih računa) stranka nije upisala broj transakcijskog računa sa prometom i stanjem na dan 31.12.2014. godine⁵, čime je prekršila odredbe člana 11. Pravilnika.
- Uvidom u obrazac 3-e (nenovčane donacije i računi koje politička stranka nije imala obavezu platiti) finansijskog izvještaja, utvrđeno je da stranka nije navela ime zakupodavca poslovnog prostora i iznos donacije⁶, što je suprotno odredbama člana 12. stav (1) i (3) Zakona o finansiranju političkih stranaka i člana 18. Pravilnika o godišnjim finansijskim izvještajima političkih stranaka.
- U obrascu 4.1 finansijskog izvještaja (režijsko-administrativni i ostali troškovi) stranka nije iskazala troškove zakupa u iznosu od 600,00 KM, čime je prekršila odredbe člana 12 stav (1) i (3) Zakona o finansiranju političkih stranaka i člana 22. Pravilnika.

c) Pregledom godišnjeg finansijskog izvještaja je utvrđeno da su Zavičajni socijaldemokrati – Mile Marčeta prekršili odredbe člana 13. stav (2)⁷ Zakona o finansiranju političkih stranaka

Uvidom u obrazac 1. (opšti podaci o političkoj stranci) finansijskog izvještaja utvrđeno je da stranka nije navela podatke o licu ovlaštenom za podnošenje finansijskih izvještaja, niti je na bilo koji način obavijestila Centralnu izbornu komisiju Bosne i Hercegovine o njenom imenovanju, što je suprotno odredbama člana 13. stav (2) Zakona o finansiranju političkih stranaka i člana 9. Pravilnika o godišnjim finansijskim izvještajima političkih stranaka.

² Politička partija vodi evidenciju o svojim prihodima i rashodima. Politička partija je dužna da Centralnoj izbornoj komisiji BiH podnese finansijski izvještaj za svaku kalendarsku godinu.

³ Politička partija vodi evidenciju o svojim prihodima i rashodima. Politička partija je dužna da Centralnoj izbornoj komisiji BiH podnese finansijski izvještaj za svaku kalendarsku godinu.

⁴ Do 31. marta naredne godine politička partija podnosi finansijski izvještaj u formi koju odobri Centralna izborna komisija BiH

⁵ Prema podacima iz Izvještaja o transakcijskim računima iz Jedinственог регистра Centralne banke BiH, transakcijski račun Zavičajnih socijaldemokrata – Mile Marčeta blokiran je 17.10.2014. godine.

⁶ Izjava Željka Ivankovića da je za potrebe rada stranke Zavičajni socijaldemokrati- Mile Marčeta, ustupio poslovni prostor u ul. Omladinskih brigada broj, 45 u Drvaru, bez novčane naknade koja bi po naplatnoj taksu iznosila 50,00 KM mjesečno, odnosno na godišnjem nivou 600,00 KM. Poslovni prostor će se koristiti u periodu od 01.01.2014. godine do 31.12.2016. godine.

⁷ Podnosilac izvještaja obavještava Centralnu izbornu komisiju BiH o imenovanju ovlašćenog lica koje je odgovorno za vođenje poslovnih knjiga političkih stranaka u roku od 15 dana od dana njegovog imenovanja i u slučaju bilo kakve promjene statusa tog lica.

5.2. PREPORUKE

Preporučuje se Zavičajnim socijaldemokratima – Mile Marčeta da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi adekvatne evidencije o prihodima i rashodima u svojim poslovnim knjigama,*
- *da izdaje potvrdu po prijemu priloga od fizičkih lica,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da u skladu sa Zakonom imenuje ovlašteno lice za vođenje poslovnih knjiga, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, te da u propisanom roku o imenovanju ovlaštenog lica obavijesti Centralnu izbornu komisiju Bosne i Hercegovine.*

Komentar:

U ostavljenom roku, Zavičajni socijaldemokrati – Mile Marčeta nisu dostavili primjedbu na Preliminarni izvještaj o pregledu godišnjeg finansijskog izvještaja za 2014. godinu.

Pomoćnik revizora

Mr.sc. Goran Cicović

Šef službe za reviziju

Mr.sc. Hasida Gušić